

# Servalo

Servalo (*Felis serval*) estas specio de mezgranda j afrikaj karnomanguloj el genro feliso, familio felisedoj, ordo karnovoruloj, klaso mamuloj.

La servalo vivas sude de la Saharo en Afriko, en areoj kun arbustoj, herboj, proksime al akvo. Ĝi havas longajn kruojn, ĝi estas tre rapide moviĝema besto. La servalo lerte grimpas arbon, bone saltas. Ĝi ĉasas nokte, ĉefe birdojn kaj malgrandajn mamulojn (rongulojn).

La korpo de la servalo estas svelta, la kolo estas longa, la kapo relative malgranda kaj la servalo havas du grandajn orelojn. Ĝia vosto longas 20-30 cm, ĝia korpo (sen vosto) 80-100 cm. Ĝia ŝultroalto estas ĉirkaŭ 50 cm, la besto mem pezas ĉirkaŭ 15 kg.

Ĝia felo estas longhara, sur la ventro buterblanka, sur la dorso flava aŭ ruĝeta kun nigraj makuloj kaj strioj. Ĉar la makulado, koloro povas diferencii laŭ regionoj, oni kreis subspeciojn laŭ tio.

La servalino naskas 2-4 idojn post graveda tempo de 68-74 tagoj.

Retpaĝo: [www.traduki.de](http://www.traduki.de)

Teksto: [eo.wikipedia.org/wiki/Servalo](http://eo.wikipedia.org/wiki/Servalo)